

文淵閣

影印

四庫全書

影印

文淵閣四庫全書

第七六三冊

北京出版集團公司
北京出版社

本册目次

薛氏醫案(一)

明薛己撰……………一

欽定四庫全書

子部

薛氏醫案卷一

詳校官太醫院吏目臣周世泰

編修臣倉聖脈覆勘

總校官原任中允臣王燕緒

校對官中書臣李斯咏

謄錄舉人臣薛炳文

欽定四庫全書

子部五

薛氏醫案

醫家類

提要

臣等謹案薛氏醫案七十七卷明薛已撰已

字立齋興縣人是書凡十六種已所自著者

為內科摘要二卷女科撮要二卷保嬰粹要

一卷保嬰金鏡錄一卷原機啟微三卷口齒

類要一卷正體類要二卷外科樞要四卷癰

欽定四庫全書

薛氏醫案
提要

瘍機要三卷其訂定舊本附以已說者為王

履明醫雜著六卷陳自明婦人良方二十三

卷敖氏傷寒金鏡錄一卷錢氏小兒直訣四

卷其父鎧保嬰撮要二十卷又陳自明外科

精要三卷陳文仲小兒痘疹方論一卷初刻

於秀水沈氏板已殘缺天啓丁卯朱明為重

刻之舊有明紀事一篇載明病因時夢已教

以方藥服之得愈又夢已求刻此書其事甚

怪然精神所注魂魄是憑固亦理之所有不

妨存其說也已本瘍醫後乃以內科得名其

老也竟以瘍卒詬之者以為溫補之弊終於

自戕然已治病務求本原用八味丸六味丸

直補真陽真陰以滋化源實自己發之其治

病多用古方而出入加減具有至理多在一

味間見神明變化之妙厥後趙獻可作醫貫

執其成法遂以八味丸六味丸通治各病甚

欽定四庫全書

薛氏醫案
提要

至以六味丸治傷寒之渴膠柱鼓瑟流弊遂

多徐大椿作醫貫砭因併集矢於薛氏其實

非已本旨不得以李斯之故歸罪荀卿也世

所行者別有一本益以十四經發揮諸書實

非已所著亦非已所校益坊賈務新耳目濫

為增入猶之東垣十書河間六書泛收他家

所作以足卷帙固不及此本所載皆已原書

矣乾隆四十四年三月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

薛氏醫案
提要

三一

欽定四庫全書

薛氏醫案卷一

明 薛己 撰

內科摘要

元氣虧損內傷外感等症

車駕王用之卒中昏憤口眼喎斜痰氣上湧咽喉有聲六脉沉伏此真氣虛而風邪所乘以三生飲一兩加人參一兩煎服即甦若遺尿手撒口開鼾睡為不治用前

欽定四庫全書

薛氏醫案卷一

藥亦有得生者夫前飲乃行經絡治寒痰之藥有斬開奪旗之功每服必用人參兩許駕驅其邪而補助真氣否則不惟無益適足以取敗矣觀先哲用芪附參附等湯其義可見

州判蔣大用形體魁偉中滿吐痰勞則頭暈所服皆清痰理氣余曰中滿者脾氣虧損也痰盛者脾氣不能運也頭暈者脾氣不能升也指麻者脾氣不能周也遂以補中益氣加茯苓半夏以補脾土用八味地黃以補土

母而愈後感於乾坤生意方云凡人手指麻軟三年後有中風之疾可服搜風天麻二丸以預防之乃朝餌暮服以致大便不禁飲食不進而歿愚謂預防之理當養氣血節飲食戒七情遠悻悻可也若服前丸以預防適所以招風取中也

一男子卒中口眼喎斜不能言語遇風寒四肢拘急脉浮而緊此手足陽明經虛風寒所乘用秦艽升麻湯治之稍愈乃以補中益氣加山梔而痊若舌瘡不能言足

欽定四庫全書

薛氏醫案卷一

痿不能行屬腎氣虛弱名曰癱症宜用地黃飲子治之然此症皆由將息失宜腎水不足而心火暴盛痰滯於胸也輕者自甦重者或死

一男子體肥善飲古本硬強語言不清口眼喎斜痰氣湧盛肢體不遂余以為脾虛濕熱用六君加煨葛根山梔神麴而痊

吾師僉憲高如齋自大同回謂余曰吾成風疾矣兩腿逸則痿軟而無力勞則作痛如針刺脉洪數而有力余

告之曰此肝腎陰虛火盛而致痿軟無力真病之形作痛如錐邪火之象也用壯水益腎之劑而愈先生曰向寓宦邸皆以為風恨無醫藥若服風劑豈其然哉乃吾之幸也竊謂前症往往以為風疾輒用發散而促其危者多矣

大尹劉孟春素有痰兩臂作麻兩目流淚服祛風化痰藥痰愈甚臂反痛不能伸手指俱攣余曰麻屬氣虛因前藥而復傷肝火盛而筋攣耳况風自火出當補脾肺滋腎水則風自息熱自退痰自清遂用六味地黃丸補中益氣湯不三月而痊

欽定四庫全書

薛氏醫案

三

一儒者素勤苦惡風寒鼻流清涕寒禁嚏噴余曰此脾肺氣虛不能實腠理彼不信服祛風之藥肢體麻倦痰涎自出殊類中風余曰此因風劑耗散元氣陰火乘其土位遂以補中益氣加麥門五味治之而愈

外舅年六十餘素善飲兩臂作痛恪服祛風治痿之藥更加麻木發熱體軟痰湧腿膝拘痛口噤語澀頭目暈

重口角流涎身如蟲行搔起白屑始信謂余曰何也余曰臂麻體軟脾無用也痰涎自出脾不能攝也口斜語澀脾氣傷也頭目暈重脾氣陷也身如蟲行白屑脾氣不能營也遂用補中益氣加神麴半夏茯苓三十餘劑諸症悉退又用參朮煎膏治之而愈

秀才劉允功形體魁偉不慎酒色因勞怒頭暈仆地痰涎上湧手足麻痺口乾引飲六脉洪數而虛余以為腎經虧損不能納氣歸源而頭暈不能攝水歸源而為痰

欽定四庫全書

薛氏醫案

四

陽氣虛熱而麻痺虛火上炎而作渴用補中益氣合六味丸料治之而愈其後或勞役或入房其病即作用前藥隨愈

憲幕顧斐齋飲食起居失宜左半身并手不遂汗出神昏痰涎上湧王竹西用參朮大補之劑汗止而神思漸清頗能步履後不守禁左腿自膝至足腫脹甚大重墜如石痛不能忍其痰甚多肝脾腎脉洪大而數重按則軟濇余朝用補中益氣加黃柏知母麥門五味煎送地黃丸晚用地黃

九料加黃柏知母數劑諸症悉退但自弛禁不能全愈耳
庠生陳時用素勤苦因勞怒口斜痰盛脉滑數而虛此
勞傷中氣怒動肝火用補中益氣加山梔茯苓半夏桔
梗數劑而愈

錦衣楊永興形體豐厚筋骨軟痛痰盛作渴喜飲冷水
或用愈風湯天麻丸等藥痰熱益甚服牛黃清心丸更
加肢體麻痺余以為脾腎俱虛用補中益氣湯加減八
味丸三月餘而痊已後連生七子壽踰七旬外科精要

欽定四庫全書

薛氏醫案
卷一

云凡人久服加減八味丸必肥健而多子信哉

先母七十有五遍身作痛筋骨尤甚不能伸屈口乾目
赤頭暈痰壅胸膈不利小便短赤夜間殊甚遍身作痒
如蟲行用六味地黃丸料加山梔柴胡治之諸症悉愈
一男子時瘡愈後遍身作痛服愈風丹半身不遂痰涎
上湧夜間痛甚余作風客淫氣治以地黃丸而愈

一老人兩臂不遂語言蹇澁服祛風之藥筋攣骨痛此
風藥虧損肝血益增其病也余用八珍湯補其氣血用

地黃丸補其腎水佐以愈風丹而愈

一婦人因怒吐痰胸滿作痛服四物二陳苓連枳殼之
類不應更加祛風之劑半身不遂筋漸攣縮四肢痿軟
日晡益甚內熱口乾形體倦怠余以為鬱怒傷脾肝氣
血復損而然遂用逍遙散補中益氣湯六味地黃丸調
治喜其謹疾年餘悉愈形體康健

欽定四庫全書

薛氏醫案
卷一

一婦人脾胃虛弱飲食素少忽痰湧氣喘頭搖目劄手
揚足擲難以候脉視其面色黃中見青此肝木乘脾土
用六君加柴胡升麻治之而甦更以補中益氣加半夏
調理而痊

一婦人懷抱鬱結筋攣骨痛喉間似有一核服烏藥順
氣散等藥口眼歪斜臂難伸舉痰涎愈甚內熱晡熱食
少體倦余以為鬱火傷脾血燥生風所致用加味歸脾
湯二十餘劑形體漸健飲食漸加又服加味逍遙散十
餘劑痰熱少退喉核少利更用升陽益胃湯數劑諸症
漸愈但臂不能伸此肝經血少用地黃丸而愈

一產婦筋攣臂軟肌肉掣動此氣血俱虛而有熱用十全大補湯而痊其後因怒而復作用加味逍遙散而愈一產婦兩手麻木服愈風丹天麻丸遍身皆麻神思倦怠晡熱作渴自汗盜汗此氣血俱虛用十全大補加炮薑數劑諸症悉退却去炮薑又數劑而愈但有內熱用加味逍遙散數劑而痊

一男子善飲舌本強硬語言不清余曰此脾虛濕熱當用補中益氣加神麴麥芽乾葛澤瀉治之○一婦人善

欽定四庫全書

薛氏醫案

卷一

怒舌本強手臂麻木余曰舌本屬土被木剋制故耳當用六君加柴胡芍藥治之○一男子舌下牽強手大指次指不仁或大便秘結或皮膚赤暈余曰大腸之脉散舌下此大腸血虛風熱當用逍遙散加槐角秦芫治之○一男子足痿軟日晡熱余曰此足三陰虛當用六味滋腎二丸補之○一婦人腿足無力勞則倦怠余曰四肢者土也此屬脾虛當用補中益氣及還少丹主之俱不從余言各執搜風天麻二丸并愈風丹而殞

飲食勞倦虧損元氣等症 二

進士王汝和因勞役失於調養忽然昏憤此元氣虛火妄動挾痰而作急令灌童便神思漸爽更用參芪各五錢芎歸各三錢玄參柴胡升麻炙草各一錢服之稍定察其形倦甚又以十全大補湯加五味麥門治之而安凡人元氣素弱或因起居失宜或因飲食勞倦或因用心太過致遺精白濁自汗盜汗或內熱晡熱潮熱發熱或口乾作渴喉痛舌裂或胸乳膨脹脇肋作痛或頭頸

欽定四庫全書

薛氏醫案

卷一

時痛眩暈目花或心神不寧寤而不寐或小便赤澀莖中作痛或便溺餘滴臍腹陰冷或形容不充肢體畏寒或鼻氣急促或更有一切熱症皆是無根虛火但服前湯固其根本諸症自息若攻其風熱則悞矣光祿高署丞脾胃素虛因飲食勞倦腹痛胸痞誤用大黃等藥下之謔語煩躁頭痛喘汗吐瀉頻頻時或昏憤脉大而無倫次用六君子加炮姜四劑而安但倦怠少食口乾發熱六脉浮數欲為瀉火之藥余曰不時發熱

是無火也脉浮大是血虛也此因胃虛五臟虧損虛症發見服補胃之劑諸症悉退

大尹徐克明因飲食失宜日晡發熱口乾體倦小便赤瀉兩腿酸痛余用補中益氣湯治之彼知醫自用四物黃柏知母之劑反頭眩目赤耳鳴唇燥寒熱痰湧大便秘痛小便赤瀉又用四物苓連枳實之類胸膈痞滿飲食少思汗出如水再用二陳苓連黃柏知母麥門五味言語譫妄兩手舉拂屢治反甚復求余用參芪各五錢

欽定四庫全書

薛氏醫案
卷一

九

反傷胃中生氣害人多矣大凡足三陰虛多因飲食勞役以致腎不能生肝肝不能生火而害脾土不能滋化但補脾土則金旺水生水得平而自相生矣

一男子每遇勞役食少胸痞發熱頭痛吐痰作渴脉浮大余曰此脾胃血虛病也脾屬土為至陰而生血故曰陰虛彼不信服二陳黃連枳實厚朴之類諸症益甚又服四物黃柏知母麥門更腹痛作嘔脉洪數而無倫次余先用六君加炮薑痛嘔漸愈又用補中益氣全症

欽定四庫全書

薛氏醫案
卷一

十

秀才劉貫卿勞役失宜飲食失節肢體倦怠發熱作渴頭痛惡寒誤用人參敗毒散痰喘昏憤揚手擲足胸間發癰如蚊所啞余用補中益氣加薑桂麥門五味補之而愈

黃武選飲食勞倦發熱惡寒或用解表之藥益甚再劑昏憤胸發黑癰脉洪數而無力余欲用補中益氣之劑不從而歿

一儒者素勤苦因飲食失節大便下血或赤或黯半載

之後非便血則盜汗非惡寒則發熱血汗二藥用之無效六脉浮大心脾則濡此思傷心脾不能攝血歸源然血即汗汗即血其色赤黯便血盜汗皆火之升降微甚耳惡寒發熱氣血俱虛也乃午前用補中益氣以補脾肺之源舉下陷之氣午後用歸脾加麥門五味以補心脾之血收耗散之液不兩月而諸症悉愈

癸卯春人日余在下堡顧氏會間有儒者許梅村云舍親馬生者發熱煩渴時或頭痛昨服發散藥反加喘急

欽定四庫全書

薛氏醫案
卷一

腹痛其汗如水晝夜譫語余意此勞傷元氣誤汗所致其腹必喜手按許往詢之果然遂與十全大補加附子一錢服之熟睡喚而不醒舉家驚惶及覺諸症頓退再劑而痊凡人飲食勞役起居失宜見一切火症悉屬內真寒而外假熱故肚腹喜暖口畏冷物此乃形氣病氣俱屬不足法當純補元氣為善

一儒者日晡兩目緊澁不能瞻視此元氣下陷用補中益氣倍加參芪數劑全愈

一男子患症同前服黃柏知母之類目疾益甚更加便血此脾氣虛不能統血肝氣虛不能藏血用補中益氣六味地黃以補肝脾生腎水諸症漸愈

一男子飲食勞倦而發寒熱右手麻木或誤以為疔毒數服皆寒涼敗毒腫脹重墜面色痿黃肢體倦怠六脉浮大按之如無此脾胃之氣虛也詢之果是銷銀匠因熱手入水梅銀寒凝隧道前藥益傷元氣故耳遂用補中益氣及溫和之藥煎湯漬手而愈

欽定四庫全書

薛氏醫案
卷一

一儒者修左足傷其大指甲少許不見血不作痛形體如故後因飲食勞倦足重墜微腫痛或晝睡或夜寐其足如故誤服敗毒之劑寒熱腫痛益脾起於足大指此是脾氣虛弱下陷用十全大補湯而愈

余素性愛坐觀書久則倦怠必服補中益氣加麥門五味酒炒黑黃柏少許方覺精神清妥否則夜間少寐足內酸熱若再良久不寐腿內亦然且兼腿內筋似有抽縮意致兩腿左右頻移展轉不安必至倦極方寐此勞

傷元氣陰火乘虛下注丁酉五十一歲齒縫中有如物塞作脹不安甚則口舌如有瘡然日晡益甚若睡良久或服前藥始安至辛丑時五十有五晝間齒縫中作脹服補中益氣一劑夜間得寐至壬寅有內艱之變日間雖服前劑夜間齒縫亦脹每至午前諸齒并肢體方得稍健午後仍脹觀此可知血氣日衰治法不同

脾胃虧損心腹作痛等症 三

唐儀部胸內作痛月餘腹亦痛左關弦長右關弦緊此

欽定四庫全書

薛氏醫案

十一

脾虛肝邪所乘以補中益氣加半夏木香二劑而愈又用六君子湯二劑而安此面色黃中見青

儀部李北川常患腹痛每治以補中益氣加山梔即愈一日因怒肚腹作痛胸脇作脹嘔吐不食肝脉弦緊此脾氣虛弱肝火所乘仍用前湯吞左金丸一服而愈此面色黃中見青兼赤

太守朱陽山因怒腹痛作瀉或兩脇作脹或胸乳作痛或寒熱往來或小便不利飲食不入嘔吐痰涎神思不

清此肝木乘脾土用小柴胡加山梔炮姜茯苓陳皮製黃連一劑即愈

製黃連即黃連吳茱萸等分用熱水拌濕卷二三日同炒焦取連用后微此

陽山之內素善怒胸膈不利吐痰甚多吞酸噯腐飲食少思手足發熱十餘年矣所服非苓連枳實必櫛蘇厚朴左關弦洪右關弦數此屬肝火血燥木乘土位朝用六味地黃丸以滋養肝木夕用六君加當歸芍藥以調補脾土不月而愈癸卯夏患背疽症屬虛寒用大溫補之藥而愈乙巳夏因大怒吞酸噯腐胸腹脹滿余以他

欽定四庫全書

薛氏醫案

十四

往旬日或用二陳石膏治之吐涎如湧外熱如灼將用滾痰丸下之余到診之脉洪大按之如無余曰此乃脾胃虧損而發熱脾弱而涎泛出也余用六君加姜桂一鍾即睡覺而諸症如失又數劑而康

儒者沈尼文內停飲食外感風寒頭痛發熱惡心腹痛就治敝止余用人參養胃加芫芷麴藥香附桔梗一劑而愈次日抵家前病仍作腹痛請治以手重按痛即止此客寒乘虛而作也乃以香砂六君加木香炮姜服之

睡覺痛減六七去二香再服飲食少進又加黃芪當歸少佐升麻而愈

府庠徐道夫母胃脘當心痛劇右寸關俱無左雖有微而似絕手足厥冷病勢危篤察其色眼胞上下青點此脾虛肝木所勝用參朮茯苓陳皮甘草補其中氣用木香和胃氣以行肝氣用吳茱萸散脾胃之寒止心腹之痛急與一劑俟滾先服煎熟再進諸病悉愈向使泥其痛無補法而反用攻伐之藥禍不旋踵

欽定四庫全書

薛氏醫案
卷一

一婦人懷抱鬱結不時心腹作痛年餘不愈諸藥不應余用歸脾加炒山梔而愈

脾腎虛寒陽氣脫陷等症

譚侍御但頭痛即吐清水不拘冬夏吃姜便止已三年矣余作中氣虛寒用六君加當歸黃芪木香炮姜而瘥一儒者四時喜極熱飲食或吞酸噯腐或大便不實足指縫濕痒此脾氣虛寒下陷用六君加薑桂治之而愈稍為失宜諸疾仍作用前藥更加附子錢許數劑不再

發

一男子形體倦怠飲食適可足指縫濕痒行坐久則重墜此脾胃氣虛而下陷用補中益氣加茯苓半夏而愈一男子胸腹脹滿手足逆冷飲食畏寒發熱吐痰時欲作嘔嘗服清氣化痰及二陳枳實之類胸腹膨脹嘔吐痰食小便淋漓又用四苓連栢知母車前小便不利諸病益甚余曰此脾胃虛寒無火之症故食入不消而反出遂用八味丸補火以生土用補中益氣加姜桂培養

欽定四庫全書

薛氏醫案
卷一

中宮生發陽氣尋愈

一男子每勞肢體時痛或用清痰理氣之劑不勞常痛加以導濕臂痛漫腫形體倦怠內熱盜汗脉浮大按之微細此陽氣虛寒用補中益氣加附子一錢人參五錢腫痛悉愈又以十全大補百餘劑而康彼計服過人參一十三斤薑附各斤餘

大雅云家母年四十有二嘉靖壬寅七月患脾虛中滿痰嗽發熱又因濕麵冷茶吞酸嘔吐絕食誤服苓連青

皮等藥益加寒熱口乾流涎不收且作渴聞食則嘔數日矣迎先生視之曰脾主涎此脾虛不能約制故涎自出也欲用人參安胃散惑於衆論以為胃經實火宿食治之病日增劇忽思冬瓜食如指甲一塊頓發嘔吐酸水不止仍服前藥愈劇復邀先生視之則神脫脉絕瀕死矣惟目睛尚動先生曰寒淫於內治以辛熱然藥不能下矣急用鹽艾附子炒熱熨臍腹以散寒回陽又以口氣補接母口之氣又以附子作餅熱貼臍間時許神

欽定四庫全書

卷一

十一

氣少甦以參朮附子為末仍以是藥加陳皮煎膏為丸如粟米大入五七粒於口隨津液嚥下即不嘔二日後加至十餘粒諸病少退甘涎不止五日後漸服煎劑一二匙胃氣少復乃思粥飲後投以參朮等藥溫補脾胃五十餘劑而愈大雅敢述病狀之奇用藥之神求附卷末一以見感恩之意一以示後之患者當取法於此云爾府學晚生長洲錢潭沈大雅頓首拜書

命門火衰不能生土等症

五

廷評張汝翰胸膈作痞飲食難化服枳朮丸久而形體消瘦發熱口乾脉浮大而微用補中益氣加薑桂諸症悉退惟見脾胃虛寒遂用八味丸補命門火不月而飲食進三月而形體充此症若不用前丸多變腹脹喘促腿足浮腫小便淋漓等症急用濟生加減腎氣丸亦有得生者

欽定四庫全書

卷一

十二

一儒者雖盛暑喜燃火四肢常欲沸湯漬之面赤吐痰一似實火吐甚宿食亦出惟食椒薑之物方快余謂食入反出乃脾胃虛寒用八味丸及十全大補加炮薑漸愈不月平復

一婦人飲食無過碗許非大便秘不實必吞酸噯腐或用二陳黃連更加內熱作嘔余謂東垣先生云邪熱不殺穀此脾胃虛弱未傳寒中以六君加炮薑木香數劑胃氣漸復飲食漸進又以補中益氣加炮薑木香茯苓半夏數劑全愈後怒飲食頓少元氣頓怯更加發熱誠似實火脉洪大而虛兩尺如無用益氣湯八味丸兩月餘

諸症悉愈

佐云向因失足剗然有聲坐立久則左足麻木雖夏月足寒如冰嘉靖己亥夏月因醉睡覺而飲水復睡遂覺右腹痞結以手摩之腹間漉漉有聲熱摩則氣泄而止每每加劇飲食稍多則作痛瀉求治於醫令服枳朮丸固守勿效甲辰歲求治於立齋先生診之喟然嘆曰此非脾胃病乃命門火衰不能生土虛寒使之然也若專主脾胃誤矣可服八味丸則愈予亦敬服果驗蓋八味

欽定四庫全書

薛氏醫案

卷一

庵朱佐頓首拜書

光祿鄺子涇面白神勞食少難化所服皆二陳山梔枳實之類形體日瘦飲食日減余謂此脾土虛寒之症法當補土之母彼不信乃徑補土以致不起

羅工部仲夏腹惡寒而外惡熱鼻吸氣而腹覺冷體畏

風而惡寒脉大而虛微每次進熱粥既許必兼食生薑甌許若粥雖火食腹內即冷余曰熱之不熱是無火也常用八味丸壯火之源以消陰翳彼反服四物玄參之類而歿

工部陳禪亭發熱有痰服二陳黃連枳殼之類病益甚甲辰季冬請治其脉左尺微細右關浮大重按微弱余曰此命門火衰不能生土而脾病當補火以生土或可愈也不悟仍服前藥脾土愈弱至乙巳閏正月病已革

欽定四庫全書

薛氏醫案

卷一

復邀治右寸脉平脫此土不能生金生氣絕於內矣辭不治經云虛則補其母實則瀉其子凡病在子當補其母况病在母而屬不足反瀉其子不死何俟

辛丑年余在嘉興屠漸山第有林二守不時昏憤請余治之謔語不絕脉洪大按之如無此陽虛之症也當用參附湯治之有原醫者揚喜而迎曰先得我心之同然遂服之即靜睡覺而進食午後再劑神思如故其脉頓斂余返後又詐云用附子多矣吾以黃連解之陰仍用

參附湯竊觀仲景先生治傷寒云桂枝下咽陽盛乃斃
硝黃入胃陰盛乃亡不辯而自明矣吾恐前言致誤患
者故表而出之

腎虛火不歸經發熱等症 六

大尹沈用之不時發熱日飲水水數碗寒藥一劑熱渴
益甚形體日瘦尺脉洪大而數時或無力王太僕曰熱
之不熱責其無火寒之不寒責其無水又云條熱往來
是無火也時作時止是無水也法當補腎用加減八味

欽定四庫全書

薛氏醫案
卷一

五

九不月而愈

通安橋顧大有父年七十有九仲冬將出少妾入房致
頭痛發熱眩暈喘急痰涎壅盛小便頻數口乾引飲遍
舌生刺縮斂如荔枝然下唇黑裂面目俱赤煩躁不寐
或時喉間如煙火上衝急飲涼茶少解已瀕於死脉洪
大而無倫且有力捫其身烙手此腎經虛火遊行於外
投以十全大補加山茱澤瀉丹皮山藥麥門五味附子
一鍾熟寐良久脉症各減三四再與八味九服之諸症

悉退後畏冷物而痊

下堡顧仁成年六十有一痢後入房精滑自遺二日方
止又房勞感寒怒氣遂發寒熱右脇痛連心胸腹痛自
汗盜汗如雨四肢厥冷睡中驚悸或覺上升如浮或覺
下陷如墮遂致廢寢或用補藥二劑益甚脉浮大洪數
按之微細此屬無火虛熱急與十全大補加山藥山茱
丹皮附子一劑諸症頓愈而痊此等元氣百無一二
是父
子也

欽定四庫全書

薛氏醫案
卷一

二十二

一儒者口乾發熱小便頻濁大便秘結盜汗夢遺遂致
廢寢用當歸六黃湯二劑盜汗頓止用六味地黃九二
便調和用十全大補湯及前九兼服月餘諸症悉愈
州同韓用之年四十有六時仲夏色慾過度煩熱作渴
飲水不絕小便淋瀝大便秘結唾痰如湧面目俱赤滿
舌生刺兩唇燥裂遍身發熱或時如芒刺而無定處兩
足心如烙以冰折之作痛脉洪而無倫此腎陰虛陽無
所附而發於外非火也益大熱而甚寒之不寒是無水

也當峻補其陰遂以加減八味丸料一斤內肉桂一兩以水頓煎六碗水冷與飲半餉已用大半睡覺而食溫粥一碗復睡至晚乃以前藥溫飲一碗乃睡至曉食熱粥二碗諸症悉退翌日畏寒足冷至膝諸症仍至或以為傷寒余曰非也大寒而甚熱之不熱是無火也陽氣亦虛矣急以八味丸一劑服之稍緩四劑諸症復退大便至十三日不通以猪膽導之諸症復作急用十全大補湯數劑方應

欽定四庫全書

薛氏醫案

舉人陳履賢色慾過度丁酉孟冬發熱無時飲水不絕遺精不止小便淋瀝或用四物芩連之類前症益甚更加痰涎上湧口舌生瘡服二陳黃柏知母之類胸膈不利飲食少思更加枳殼香附肚腹作脹大便不實脉浮大按之微細余朝用四君為主佐以熟地當歸夕用加減八味丸更以附子唾津調搽湧泉穴漸愈後用十全大補湯其大便不通小腹作脹此直腸乾澀令猪膽通之形體殊倦痰熱頓增急用獨參湯而安再用前藥而

愈但勞發熱無時其脉浮洪余謂其當慎起居否則難治彼以余言為迂至乙巳夏復作乃服四物黃柏知母而歿

吳江晚生沈察頓首

云

僕年二十有六所稟虛弱兼

之勞心癸巳春發熱吐痰甲午冬為甚其熱時起於小腹吐痰而無定時治者謂脾經濕痰鬱火用芩連枳實二陳或專主心火用三黃丸之類至乙未冬其熱多起足心亦無定時吐痰不絕或遍身如芒刺然治者又以

欽定四庫全書

薛氏醫案

為陰火生痰用四物二陳黃柏知母之類俱無驗丙申夏痰熱愈甚盜汗作渴果屬痰火耶陰虛耶乞高明裁示云余曰此症乃腎經虧損火不歸經當壯水之主以鎮陽光乃就診於余果尺脉洪大餘卻虛浮遂用補中益氣及六味地黃而愈後不守禁其脉復作余謂火令可憂當慎調攝會試且緩但彼忽畧至戊戌夏果歿於京

脾胃虧損吞酸噯腐等症